

Ovom odlukom stavlja se van snage Pravilnik o kriterijima i postupku za korištenje finansijskih sredstava sa pozicije nepredviđeni izdaci iz Budžeta Grada Sarajeva

("Službene novine Kantona Sarajevo", broj 19/19) i Pravilnik o izmjenama Pravilnika o kriterijima i postupku za korištenje finansijskih sredstava sa pozicije nepredviđeni izdaci iz Budžeta Grada Sarajeva ("Službene novine Kantona Sarajevo", broj 37/24).

Član 2.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 14-04-7773/24

06. decembra 2024. godine

Sarajevo

Gradonačelnik

Predrag Puharić, s. r.

OPĆINA CENTAR SARAJEVO

Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i člana 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj 15/05), općinski načelnik donosi

PRAVILNIK

O UTVRĐIVANJU USLOVA, KRITERIJA I POSTUPKA ZA ODABIR KORISNIKA I RASPODJELU NOVČANIH SREDSTAVA ZA POMOĆ POJEDINCIMA U SVRHU ODRŽIVOG POVRATKA

I. OPĆE ODREDBE

Član 1.

(Predmet)

Ovim Pravilnikom uređuju se uslovi, kriteriji i način dodjele jednokratne novčane pomoći (u daljnjem tekstu: jednokratna pomoć) pojedincima povratnicima koji imaju prebivalište u općinama povratka u Bosni i Hercegovini.

Član 2.

(Cilj dodjele sredstava)

Cilj dodjele jednokratne pomoći putem sufinansiranja projekata održivog povratka jeste podsticanje povratka i stvaranje ekonomskih uvjeta koji doprinose dobrovoljnom povratku u prijeratno mjesto prebivališta.

II. NAČIN DODJELE SREDSTAVA

Član 3.

(Javni poziv)

- (1) Sredstva sa budžetske pozicije predviđena za ove namjene dodjeljuju se putem javnog poziva.
- (2) Javni poziv za dodjelu jednokratne pomoći na ime održivog povratka objavljuje Općinski načelnik najmanje u jednom od dnevnih listova na području Federacije Bosne i Hercegovine uz oglašavanje istog na oglasnoj ploči Općine Centar Sarajevo i na web stranici Općine Centar Sarajevo (www.centar.ba).
- (3) Javni poziv ostaje otvoren 30 dana od dana objavljivanja u dnevnim novinama.
- (4) Sadržaj javnog poziva priprema Služba za boračko - invalidsku i socijalnu zaštitu (u daljnjem tekstu: Služba).
- (5) Pismene prijave na javni poziv podnose se u roku navedenom u javnom pozivu neposredno Komisiji za odabir korisnika i raspodjelu novčanih sredstava za pomoć

povratnicima putem protokola Općine Centar ili poštom preporučeno.

- (6) Povratnici mogu u okviru javnog poziva aplicirati sa jednim projektom i tom prilikom dostavljaju dokumentaciju propisanu općim i posebnim kriterijima kao i osnovne podatke o povratniku.

Član 4.

(Prijave koje neće biti razmatrane)

Prijava na javni poziv neće biti razmatrana ukoliko:

- a) je nepotpuna i neblagovremena;
- b) podnosilac prijave - nije dostavio finansijski i narativni (opisni) izvještaj za odobrena sredstva u prethodnim budžetskim godinama;
- c) zahtjev nije u skladu sa općim kriterijima;
- d) su sredstva u ukupnom iznosu cijene projekta dodijeljena od drugog donatora;
- e) je podnosilac prijave u prethodne tri godine ostvario pravo na jednokratnu pomoć u svrhu održivog povratka od strane Općine Centar Sarajevo.

III. KRITERIJI ZA DODJELU SREDSTAVA

Član 5.

(Opći i posebni kriteriji)

Redoslijed dodjele sredstava za održivi povratak po javnom pozivu utvrđuje se prema broju osvojenih bodova koji podnosiocu prijave pripadaju po osnovu općih i posebnih kriterija.

a) Opći kriteriji

1. Projekat/projektna ideja

Dokaz:

Uredno popunjena prijava sljedećeg sadržaja: za koju namjenu se koriste sredstva, predmjer i predračun, izvori finansiranja projekta (vlastito ili ulaganje drugih institucija), da li se radi o već započetom ili idejnom projektu, te očekivani efekti nakon realizacije projekta.

2. Status povratnika - povratnik u prijeratno prebivalište

Dokaz 1:

Uvjerenje o kretanju nadležne policijske uprave za podnosioca zahtjeva - povratnika, kao dokaz da je na dan 30.04.1991. godine imao prebivalište u mjestu povratka.

Dokaz 2:

Prijave prebivališta za sve punoljetne članove domaćinstva.

Dokaz 3:

Potvrda nadležne službe u općini povratka u koju se podnosilac prijave vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili kao i godina povratka u prijeratno prebivalište.

Dokumentacija ne smije biti starija od 30 dana od dana objavljivanja Javnog poziva.

3. Dokaz o vlasništvu

Dokaz: ZK izvadak, posjedovni list, idejni projekt, odobrenje za građenje (ukoliko to zahtjeva priroda projekta). Dokazi se dostavljaju u ovjerenoj fotokopiji ili originalu.

4. Predmjeri i predračuni za nabavke roba i radova

Dokaz:

Dostaviti predugovore, predmjere, predračune ili ponude ponuđača za nabavku roba i radova.

5. Izjava podnosioca zahtjeva i Izvještaj o utrošku ranije dobivenih sredstava